

薨八日奏自此日止音奏警蹕帝薨河而十日十一日共復日也仍十二日雖爲凶會日強不忌則上御
簾畢

〔續日本紀八元正〕養老四年八月癸未是日右大臣正二位藤原朝臣不比等薨帝深悼惜焉爲之廢朝舉
哀內寢特有優勅吊賻之禮異于群臣大臣近江朝內大臣大織冠鎌足之第二子也

〔公卿補任清和〕太政大臣從一位藤良房 貞觀十四年九月二日薨在官廿五年同四日賜正一位號
白河殿又染殿諡云忠仁公封美乃國輟朝三箇日是日葬山城國愛宕郡白河邊

〔日本紀略村七〕天曆三年八月十四日乙酉戊時太政大臣藤原忠平薨小一條第年七病間公家賜度
者卅人又大赦天下 十七日戊子太政大臣薨奏仰廢朝三箇日固關警固

〔日本紀略圓六〕貞元二年十一月廿日丙午奏故太政大臣兼通藤原薨由廢朝三箇日固三關
〔百練抄五〕寬治三年十月四日諸卿定申源隆子薨事右大臣源顯房室件人雖爲當今外祖母前中宮河后

賢改姓爲藤氏仍令諸道勘申之就所養不可有錫紱但廢朝三々日之由被定了凡爲人養子之者本
生傍親服不可著之由僉議了

〔朝野群載二十一〕禮喪廢朝
勘申從二位源朝臣隆子薨逝間所被行事

儀禮喪服經曰爲外祖父母同疏曰小功五月章曰爲外祖父母傳曰何曰小功也以尊加也外祖之服
不過緦麻以祖是尊名故加至小功春秋左氏傳杜氏注曰天子絕傍期唯有心喪大唐開元禮云皇帝
本服大功以上及外祖父母皇后父母百官一品喪皇帝不視事三日

就件等文雖可被行外家之義猶非無物疑又准據之文經典無所見然則心喪廢朝之禮依時議
可被行歟

右依宣旨勘申如件